

我欲尋仙作侶茫茫四海無真今朝得遇有緣人好把亂沙相
贈洵屬道緣深厚將來不讓行誠西南開闢得斯臣正是予門
深幸

示柳亭

努力加餐飯隨時過光陰泉流石上三更月風響喬松一曲琴
自是舊來塵外客香雲豈是世間情

四言詩

傾蓋如是去留無滯何去何從聊展半技明矣明矣馬首之東
行矣行矣九月之中言遠不遠言近不近活潑天機隱顯莫定
清

道藏輯要

呂帝詩集

其

室集七
川

一念不起萬緣何生虛無浩浩月白風清

靜

外境不侵內神自定一點靈光瑩然自靜

道

無為理深尋之越與信手拈來是名曰道

德

德亦無形物無不育物既含生是為真德

行

法界雖宏歷之可越足步清風手攜皓月

住

動則難言靜亦無說動靜兩忘中間且歇

坐

心滅寒灰身忘土塊默默冥冥光耀三界

卧

清靜家風希夷妙訣放開四大萬緣齊滅

道藏輯要

吕帝詩集

五

室集七

十一

道教學術資訊網站